



Broj/Број: 01/7-50-1-52-2-30/05
Sarajevo/Сарајево: 5.10.2005.

ZAPISNIK

sa 30-e sjednice Administrativne komisije Predstavničkog doma Parlamentarne skupštine Bosne i Hercegovine, održane u prostorijama institucija Bosne i Hercegovine, dana 5.10.2005. godine, s početkom u 11,15 sati. Sjednica je završena u 11,40 sati.

PRISUTNI ČLANOVI KOMISIJE: Senija Kapetanović, Jozo Križanović, Hazim Felić, Mladen Potočnik, Momčilo Novaković, Ruža Sopta i Vinko Zorić.

ODSUTNI: Mubera Ušanović i Dušanka Majkić.

Tridesetom sjednicom Administrativne komisije Predstavničkog doma Parlamentarne skupštine Bosne i Hercegovine **predsjedavala je Senija Kapetanović**, predsjedavajuća Administrativne komisije Predstavničkog doma Parlamentarne skupštine Bosne i Hercegovine.

Za sjednicu je predložen sljedeći

DNEVNI RED

1. Usvajanje Zapisnika 29-e sjednice Administrativne komisije;
2. Razmatranje poslaničkog pitanja;
3. Razmatranje zahtjeva za naknadu zbog smrti člana uže porodice;
4. Utvrđivanje visine naknade za privremeno obavljanje posla;
5. Razmatranje Zahtjeva Milorada Živkovića za stavljanje van snage rješenja Administrativne komisije, broj: 01/7-50-1-52-3-26/05 od 16.3.2005. godine;
6. Razno.

Tridesetu sjednicu Administrativne komisije Predstavničkog doma Parlamentarne skupštine Bosne i Hercegovine otvorila je predsjedavajuća sjednicom Senija Kapetanović i predložila dnevni red, te pozvala prisutne članove Administrativne komisije da se izjasne o njemu, odnosno da daju primjedbe, prijedloge i sugestije.

S obzirom da nije bilo primjedbi i sugestija, prisutni su jednoglasno usvojili predloženi dnevni red. Nakon usvajanja dnevnog reda tridesete sjednice Administrativne komisije Predstavničkog doma Parlamentarne skupštine Bosne i Hercegovine, pristupilo se njegovom razmatranju po utvrđenim tačkama.

AD-1 Zapisnik sa 29-e sjednice Administrativne komisije Predstavničkog doma Parlamentarne skupštine Bosne i Hercegovine usvojen je jednoglasno.

AD-2 Uvodno izlaganje o ovoj tački dnevnog reda dala je predsjedavajuća sjednicom Senija Kapetanović i konstatirala da sjednici ne prisustvuje poslanik Muhamed Moranjkić iako je uredno pozvan. S obzirom da se imenovani nije odazvao pozivu da prisustvuje današnjoj sjednici, predložila je da se njeno razmatranje odgodi za narednu sjednicu, a da se obaveže sekretar Administrativne komisije Predstavničkog doma Parlamentarne skupštine Bosne i Hercegovine da obavi razgovor s poslanikom i obrazloži mu razloge zbog kojih je Komisija smatrala da on treba prisustvovati sjednici.

Rasprave o ovoj tački dnevnog reda nije bilo, pa su prisutni jednoglasno usvojili

ZAKLJUČAK

Ova tačka dnevnog reda odgađa se za narednu sjednicu Administrativne komisije Predstavničkog doma Parlamentarne skupštine Bosne i Hercegovine.

Obavezuje se sekretar Administrativne komisije Predstavničkog doma Parlamentarne skupštine Bosne i Hercegovine da poslaniku Muhamedu Moranjkiću obrazloži razloge zbog kojih je Komisija smatrala da on treba prisustvovati sjednici.

AD-3 Uvodno izlaganje o ovoj tački dnevnog reda dala je predsjedavajuća sjednicom Senija Kapetanović. Rasprave o ovoj tački dnevnog reda nije bilo, pa su prisutni jednoglasno donijeli

ODLUKU o dodjeli novčane pomoći

I

Poslaniku Petru Kuniću, zbog smrti člana njegove uže porodice, dodjeljuje se novčana pomoć u iznosu tri mjesecne plaće icplaćene u prethodna tri mjeseca.

II

Za realizaciju ove odluke zadužuje se Računovodstvo Sekretarijata Parlamentarne skupštine Bosne i Hercegovine.

III

Odluka stupa na snagu danom donošenja.

AD-4 Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović. Senija Kapetanović dala je na pitanje Ruže Sopte i Joze Križanovića dodatna pojašnjenja uz ovu tačku dnevnog reda.

Rasprave o ovoj tački dnevnog reda nije bilo, pa su prisutni jednoglasno donijeli

ODLUKU

o utvrđivanju visine naknade za privremeno obavljanje poslova sekretara komisije

I

Državnom službeniku Ahmedu Jalovičiću za privremeno obavljanje poslova sekretara Komisije za saobraćaj i komunikacije u Predstavničkom domu Parlamentarne skupštine Bosne i Hercegovine utvrđuje se naknada na osnovnu plaću u visini od 20%.

II

Za realizaciju ove odluke zadužuju se Opća služba i Računovodstvo Sekretarijata Parlamentarne skupštine Bosne i Hercegovine.

III

Odluka stupa na snagu danom donošenja, a primjenjivat će se od 1.8.2005. godine.

AD-5 Uvodno izlaganje o ovoj tački dnevnog reda dala je predsjedavajuća sjednicom Senija Kapetanović podsjetivši prisutne na činjenicu da je poslanik Milorad Živković prije šest mjeseci tražio da Administrativna komisija Predstavničkog doma Parlamentarne skupštine Bosne i Hercegovine stavi van snage Rješenje kojim mu je utvđeno pravo na naknadu za odvojeni život od porodice i troškove smještaja s obzirom da je postao predsjedavajući Kluba, pa u skladu s tim želi koristiti pravo na vozača, a danas se imenovani pojavljuje sa zahtjevom da mu se ponovo odobri pravo na odvojeni život od porodice i troškove smještaja.

U raspravi o ovoj tački dnevnog reda Momčilo Novaković kritički se osvrnuo na ponašanje poslanika Milorada Živkovića istakavši da je Komisija 16.3.2005. godine stavila van snage Rješenje kojim je utvrđeno pravo na naknadu za odvojeni život od porodice i troškove smještaja, a sad imenovani traži ponovo to pravo koje on odobrava s tim da bi, po njegovom mišljenju, u obrazloženju rješenja trebalo navesti da navodi u Zahtjevu ne stoje, jer Komisija nije nikom dodijelila nikakvo vozilo, a vozilo o kojem govori poslanik Milorad Živković odnosi se na službu u Lukavici i njen vozni park koji se koristi za potrebe poslanika i delegata Republike Srpske i s tim voznim parkom Parlamentarna skupština Bosne i Hercegovine nema ništa, pa tako ni Administrativna komisija Predstavničkog doma Parlamentarne skupštine Bosne i Hercegovine. Ponovo je naglasio da je za to da se poslaniku odobri pravo na naknadu za odvojeni život od porodice i troškove smještaja, ali i za to da se u obrazloženju navede da se poslanik Milorad Živković veoma neodgovorno odnosi prema Administrativnoj komisiji Predstavničkog doma Parlamentarne skupštine Bosne i Hercegovine i pravima po osnovu stalnog profesionalnog radnog odnosa u Parlamentarnoj skupštini Bosne i Hercegovine.

Mladen Potočnik predložio je, u vezi s problemom korištenja navedene naknade, da Komisija zauzme stav da se poslanik početkom mandata treba opredijeliti koje će pravo koristiti i takvo opredjeljenje ne bi se moglo mijenjati do isteka mandata.

Ruža Sopta je u raspravi istakla da se prije donošenja ovakvih odluka treba konsultirati Računovodstvo Parlamentarne skupštine Bosne i Hercegovine jer se ovakve stavke obično planiraju u Budžetu i svako mijenjanje statusa sigurno da ima uticaja i na izvršenje Budžeta Parlamentarne skupštine Bosne i Hercegovine.

Mladen Potočnik iznio je mišljenje da bi trebalo udovoljiti zahtjevu imenovanog s tim da se Rješenje primjenjuje od 1.1.2006. godine.

Replicirao je Hazim Felić naglasivši da su to male stavke za Budžet da bi se izvršenje Rješenja odgađalo do 2006. godine.

Nakon toga Mladen Potočnik izjasnio se da prihvata promjenu statusa imenovanog, ali da smatra da treba dati obrazloženje u kojem će se navesti da poslanici treba s puno odgovornosti da koriste svoja prava i u skladu s tim da se obraćaju Administrativnoj komisiji Predstavničkog doma Parlamentarne skupštine Bosne i Hercegovine.

U raspravi o navedenom učestvovao je i Vinko Zorić koji također smatra da je zahtjev imenovanog poslanika neozbiljan, ali i naglasio da se Administrativna komisija Predstavničkog doma Parlamentarne skupštine Bosne i Hercegovine ne treba prema ovom zahtjevu odnositi neozbiljno. Podsjetio je prisutne da je ova stavka bila planirana u Budžetu za 2005. godinu, kao i Milorad Živković kao korisnik navedene naknade, pa ne vidi ništa sporno da se zahtjevu udovolji. Naglasio je da se tokom mandata može mijenjati status prema ličnim uslovima korisnika nekog prava s tim da to ni u kojem slučaju ne znači da se status može mijenjati tri - četiri puta u toku godine.

Na osnovu navedenog, Mladen Potočnik predložio je da se rade izmjene i dopune Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7, 02/3-50-1- 188-4a-9/05 od 13. 4. 2005. godine, u kojima bi se izričito navelo da se status može mijenjati samo u toku kalendarske godine za narednu kalendarsku godinu kako bi se ova sredstva mogla planirati u budžetu.

Ruža Sopta je predložila da se pri izradi Budžeta Parlamentarne skupštine Bosne i Hercegovine poslanici izjasne o navedenom pravu, kako bi se ova stavka u Budžetu mogla planirati s tim da, po njenom mišljenju prije donošenja ovakvih odluka Administrativnoj komisiji Predstavničkog doma Parlamentarne skupštine Bosne i Hercegovine treba da se daju podaci iz Računovodstva o planiranim i raspoloživim sredstvima za navedene namjene.

Jozo Križanović istakao je da treba uraditi analizu promjena statusa i podržao prijedlog Mladena Potočnika o izmjenama i dopunama navedene Odluke, s tim da smatra da Komisija treba zauzeti čvrst stav da nema promjena statusa u toku kalendarske godine.

Pošto je završena rasprava o ovoj tački dnevnog reda, Senija Kapetanović dala je zahtjev Milorada Živkovića na glasanje. Prisutni su jednoglasno donijeli

R J E Š E N J E

Rješenje Administrativne komisije Predstavničkog doma Parlamentarne skupštine Bosne i Hercegovine, broj: 01/7-50-1-52 3-26/05 od 16.3.2005. godine, stavlja se van snage s danom 1.10.2005.godine.

Miloradu Živkoviću, poslaniku u Predstavničkom domu, odobrava se naknada za odvojeni život od porodice u iznosu od 400,00 KM mjesečno i naknada za zakup stana u iznosu do 500,00 KM mjesečno, kao i pravo na naknadu troškova prijevoza, četiri puta mjesečno, do mjesta prebivališta njegove porodice.

Visina naknade za zakup stana regulirat će se ugovorom o zakupu.

Rješenje će se primjenjivati od 1.10.2005. godine.

Pošto je iscrpljen dnevni red, trideseta sjednica Administrativne komisije Predstavničkog doma Parlamentarne skupštine Bosne i Hercegovine završena je u 11,40 sati.

Sekretar
Administrativne komisije
Davorka Čaplinski



Predsjedavajuća
Administrativne komisije
Senija Kapetanović